

畏廬詩存卷下

閩縣林 紆琴南

金山奉母圖寫寄冒鶴亭

孝子出詩人奉親事亦韻永嘉山水窟僑寓幾一閨凶愚方  
嘯引流煽及縣郡移權向京口盡室趁江運丹陽據形勝板  
輿遂吏隱金山俯大江勝概冠吳分焦山集萬竹送青作夏  
潤烹泉奉老母醇美過良醞何必問詩力年來定疏雋題圖  
寓良友和答或非靳

松根高士圖爲成竹山作

高士非胡僧何爲憩寂寞愛此歲寒姿遂以杖屨託縣解悟  
道真過籟若無覺頗悔來時遽閉籠未隨鶴得鶴亦多事閒

賞轉執着隨地極吾往奚復用適莫睇彼松上鼠緣挽方鬪  
暴人情傷刃靡物亦競強弱形化心與然益足悟玄學持是  
贈成子彼此泯苦樂

詠史

萬蠅湊輜輳聚散蔑輕重蹄心入老棘良造失罄控制人貴  
中要能濟豈在衆吳仇鑄越肝覆載莫與共深閔轉無事舉  
國寡訟閨萬目屬宰相堂堂蠹與種眠食邇薪膽上下茹哀  
痛蘇臺吳雲深吳儂方作夢越甲碎門入胥眼且未凍據略  
先守瓶聚哄直入甕明人惡周鍾臨死却嘲諷我死闔未死  
殺我究何用

其二

喪地不遽亡喪心患乃巨醉人奮武怒驟犯亦莫禦所貴醒  
時力百挫不消沮抱仇入夢寐仇深決無語樂生吞全齊所  
餘卽墨莒那解田單心車也鼎能拄韞火續餘明剗心結殘  
旅已作彭生豕旋化牛哀虎天奪燕惠魄淫威尙究武益堅  
齊士志豈待聞鷄舞本有七十城不再講生聚異族聽殘齧  
堅對隱齟齬哀實勝所券恥則勇之母孤齊視今日寧待較  
土宇法宜師田單堅默勿暴舉仇復會有時拄杖日延佇

己未重陽張遠伯招同何南孫閔葆之沈昌生楊潛安

羅瘦公湯定之吳辟疆黃秋岳楊瑟君集龍樹院余

以事匆匆歸歸後補圖寓遠伯

天竺大比丘厥號曰龍樹作爲三種論佛國侈名著院以此

命名昔亦桑門住積湫伏葦蕩蛙黽閨朝暮山光從西來鐘  
聲出東序微煙散疎柳秋色何楚楚鬼兵起道籙名勝竟無  
主逐僧輦佛像三度易門宇齋堂罷雲供秋龕霽花雨闌楯  
既一新吾輩且游處張侯此置酒勝流一時聚秋高葦已黃  
在法當一炬留槎殊非計因是家狐鼠吾侯實本兵難獮或  
有取狂言發禪病斬貓殊過舉斬貓事見  
指月錄無佛面虛堂合十  
作禮去

己未十月八謁 崇陵齋於種樹廬有懷髯公

百年臣子意耿耿遑寧居薰沐謁 陵殿齋此種樹廬髯公  
昔強健入門聞軒渠庭月若積水澄澄侵庭除除下多牡丹  
隆土敷根株月色故依然琳瑯映架書髯公久病廢跬步須

腰輿霜霰寒入骨安趁西陵車清晨偕余來彼此相喁于出門見龜山斂翠何清癯嚴風振楮葉作勢隨人趨聚首安得常精誠宿所儲三更鼓��肅然整冠裾車聲入寒碧墮月射稜觚

謁 陵禮成誌悲

又到丹墀伏哭時山風颯起欲砭肌捫心賴有綱常熱戀主能云犬馬癡陵草尙斑前度淚殿門真忍百回悲可憐八度崇陵拜剩得歸裝數首詩

種樹廬題壁

四海瘡痍國病深漂山衆响趨邪陰幸居人後存餘息忍向生前昧宿心不死已慚王友石頻來枉學顧亭林垂垂白髮

寧云歿張眼偏教看陸沈

陵下書所見

出門駕敝車犯此半殘月槎枒高樹影風過落木札老檜迎  
人立鬚髻若晞髮野水囓車轍沸白亦濺沫陰燈出深黑殿  
角露突兀石柱標高寒庫門漸軒豁衣冠四五輩朝衫掩裋  
褐山風吹天吳輕若飄夏葛侍者進杯茗十指積煤屑圍爐  
吐苦語妻子久不活言次亦慨慷盛道節庵節並述山水暴  
華表神橋折流漫成巨湫禮臣苦厲揭我來藏車箱竟未敗  
鞞韞此橋聞再修山水屢潰決旣無將作監陵制聽殘缺憬  
然思 泰陵萬松接金闕馳道平如掌丁巳記展謁盛時已  
不再水衡孰頒發皇室久赤貧內家且枯渴迴首望 陵殿

酸梗徹肌骨

贈同志毓清臣

清臣未愧清臣子八度朝 陵共短檠家國已非仍抗節心  
肝若剖豈沽名久知永永無餘望尙賴年年有此行聞道買  
田在涑水甚時卜宅與躬耕

歲暮閒居頗有所悟拉雜書之不成詩也

涉旬不出戶鄰右笑老懶吾劬乃竟日破曉已漱盥據案讀  
蒙莊清風張胃脘見獨或未至朝徹已在眼陶潛頗畏死悟  
道一何晚生生乃不生所坐在煩懣不撓胡得寧萬擾奚我  
綰微笑踞藤榻蠟梅開欲滿

其二

侵晨洗筆研簪端明初陽自拂琅玕紙煙柳圖江鄉點染數  
鷗鷺蘆茁秋汀長忽念滄洲宅月明竹半牆離家二十年轉  
眼成滄桑閩州已破裂歸路良蒼茫山舟尙能走守故徒自  
傷懷鄉亦何爲任化乃無藏

其三

憂貧夙所恥邁妾乃同志半生親藜藿那復近腥膩賣文稍  
得錢服食漸侈恣裘裳已在笥魚蔬亦滿器此決非我能一  
一天所畀饑民遍畿輔仰首彼何冀當思造化心不必偏我  
至杜白侈裘廈踐願豈易易邁妾固解事時時助余施錢盡  
還我貧彼此泯怨詈

其四



宿醒曉來甦。厮媪語嘖嘖。盛道某巨公黃金賤。瓦石一瞑出。  
不意舍人竟剝蝕。羸拙憑闌言。黑白翻僞冊。死既莫之挈。生  
復爲誰積。吾心陋此媪。蠢不辨豐嗇。但取眼福豐。羅前萬萬  
億。死帶饑。眼行已足慰。窀穸耗散寧。得聞生前已娛適。積書  
正類此。林軸壓東壁。終年手未觸。羽化乃弗翼。不見甯宋樓。  
連艦入島國。

其五

盛名如豔色。在在足招妬。但有日斂退。慎勿侈健步。泰頂捨  
身巖石筍。若刀鋸。一碎不可拾。死者莫知數。名高勢尤險。昂  
首萬目注。細事且毛舉。况乃撓彼怒。無罪尙鐫詰。孤立誰汝  
助。所貴無門毒。一宅得安處。遊樊亦深韜。名感始勿慮。堦戶

全所天安用槁梧據

其六

年來耆舊盡吾始哭文直

林贊虞  
尙書

敬裕亦繼殞

沈嘉園  
中丞

社事

愈淒寂子益骨肉愛高林共休戚嗟嗟望六年薤歌動秋夕

拊棺已腸斷逃眼避靈席文忠復捐館

梁葵霜  
少保

震我若霹靂

世亂得早死此亦關福德極力自排遣轉眼復悲瑟恍然思  
莊生特覺豈無術但能念旦宅或抵寥天一

其七

舉世盡荒經人人咸坐朽昌言一無忌美惡變舜紂蟻倫侈

翻新叛道詆守舊吾力非孟韓安足敵衆口顧戀吾阿琮

子第

子四生質尙和厚三傳已週徧三禮逾八九琅琅溫周易厥聲

出戶牖毛詩吾自釋旦晚當汝授頗愛尊疑語

嚴道幾字

義言醲

於酒况復爲聖言更出哲學右涕泗語阿琮心肺欲吐嘔人生失足易奪常卽禽獸聰明寧足恃勵學始自救

比月以來寫大屏巨幃四十餘軸出入山樵梅花道人間微有所得倦枕成夢均在蒼巖翠壁之下或長溪煙靄中松篁互影不知所窮髣髴泰山石鼓西溪方

廣諸勝戲作煙雲樓臥遊詩四首

柏洞碧無天焉解山嵯峨腰輿冒寒綠漸覺所歷高軒然出翳薈絕壁青空摩連松積長陰髣髴垂高蘿飛橋互晴虹死澗無軒波天門懸石級皚皚修蛇拖左顧萬丈碑宛若逐人過杜陵望莫至吾得亦已多

其二

捲簾東際樓萬象混一綠半天男崩峯微徑偃籬竹雲來失  
羣松雲散漏初旭不審宵來雲果否巖下宿澗芳何芬馥柯  
葉類新沐農僧趣山田瘦影入橫幅湧泉固不弱何必念三  
竺

其三

舟動溪光來時時見春雁數里積陰綠水深蘖竹亂眼福似  
已鑿溪行甫及半溪心挺高坻歲蕤被蘿蔓鬬雀落輕花驚  
鯨竄密甌厲祠闌干紅碧柳撐高繖萬緣一似寂此遊頗云  
晏行須襍被來暫作詞仙伴

其四

蓬蒿長沒人乃隱招提境天門壁面削再轉得微徑月痕合  
山翠着眼益寒凜盤蘿抱僵柏老蘚滑危磴水簾空際來洗  
鉢泉眼淨扶闌坐萬寂天然入禪定石龕逾夏屋水月出倩  
影月光穿洞罅有白衣  
觀音影了了可辨記曾探泉源一再凌高頂

己未除夕

逝水光陰萬古同匆匆又度一年中世方多難誰如願我自  
安貧未送窮爆竹聲酣家釀綠盆梅香細蠟燈紅憐他兒女  
通宵樂管甚街西雪與風

寄懷鄭蘇堪同年

庚申

擘箋遙訊鄭司農不得音書又一冬老我依然如馬磨問君  
爭說未龍鍾孤微寧改剛腸熱盤互知無尺土容大梗已成

逋穢滿樓居端合日哦松

續題畫二十首

半空頽綠印深溪鎮日無人山鷓啼四寸鯽魚新釣得冷龕  
今夕不持齋

故園隨地足煙霞遭亂年來不憶家點染鄉山圖畫裏先生  
獨坐注南華

紅橋數折鏡波平灼灼緋桃照眼明誰在綠楊深處住月中  
認得捲簾聲

萬竹敷陰綠蔭苔柴扉豈爲子猷開山人養鶴無拘管門外  
溪橋聽往來

峯迴路轉徧松花松勢如龍正怒拏采藥山人無處覓小籬

留得鶴看家

水寺煙深隱畫簷鐘魚不響雨廉纖野僧飛錫疑無路只嚮雲中認塔尖

夾岸桃花似渥丹漁郎清曉冒春寒仙源不盡非無意正面文章着筆難

煙鎖重巖幽更妍沈沈上不見青天那知人境尤洞黑寂寞山居轉覺便

梁髯逐歲往金焦朱鳥魂從閣上招一事累儂真不淺浪將

拙集皮松寥

文忠以畏廬文集置之焦山余不能止也

焦山遙對金山塔玉帶曾留最上頭三兩估船弄簫管却嫌

無地畫揚州

不見宸題一字門鳳皇山下雨黃昏建炎遺事何人問說到  
臨安欲斷魂

吳山帶雨沒參差却憶漁洋有此詩今日江南風雅盡不勝  
耆舊感康熙

萬壑頑雲變幻奇蒹葭雷起處黑風吹下方失箸應無數說與  
山人似未知

雪濺雷轟作怒瀾却教冷眼恣情看出山急急緣何事欲再  
回頭恐萬難

舍南舍北萬琅玕瑟瑟時時作夏寒何必銀河見全月碎痕  
留向竹中看

瓊島春陰柳萬絲感春却值我來時無情煙日蕭寥地自撥



長條讀御碑

生平低首許先生光祿詞人舊有名長念孝陵心不死青山  
只畫石頭城

草堂迎面見螺髻水向簾前作勢灣去燕來鴻自相代盛衰  
只在一年間

居然小畫匹松禪迴首滄桑過五年宰相布衣同一轍可能

值得半文錢

烏澤聲得松禪所書便面  
以左方屬畫戲題此詩

對竹思鶴鶴卽來上有白雲下蒼苔吾家處士有雙鶴放鶴  
時節梅花開

病起書懷

暖風漸趣杏花紅扶杖花前一病翁冷眼似超諸相外閒身

猶滯亂書中綱常垂圯腸空熱文字還傳道未窮只惜東南  
諸健者無端夢裏作沙蟲

偶成

蘇門孫徵君爲年九十二其氏曰歲寒歎台飲山翠忽然吐  
奇語乃與我同志舉人七十年

夏峰自作贊曰  
於舉人七十年矣

讀易忘老

至吾年剛七十豈敢昧此義如皋冒巢民海寧朱一是二公  
皆壬午先後同年耳各以舉人終脩然葆廉恥吾亦遭時異  
法又不得死當爲列禦寇執爨且飼豕

北溟得金輪玉璽名其齋曰金輪精舍易實甫爲長歌  
紀之余既補圖亦媵長句

長壽二年作寶七七寶之中此其一已未九月稱金輪鳳閣

鸞台署制冊丁亥日食應女變翼軫同占孽青出楊花久謝  
李花穠感業寺尼煽妖逆汜洛二水石與圖尙方與璽同護  
惜通天行且置九鼎區區一璽特爪蹠五王斗起張柬之七  
廟空尊武士韞上陽荒踣伏鬼誅遺璽還存記天策迴思藏  
璽長樂宮漢家老寡亦釵客婦政一行玉步改舉璽抵地究  
何益却令弔古動酸梗亡唐亡漢均女孽北溟嗜古得此寶  
考訂精密加題識哭庵作歌尤詼詭幾幾誤我讀雌霓後來  
覆國尙有人晚清恨少梁公狄

謝林涼生寄天目筍

亦名虎爪

三年居杭州初未踐天目交春出穉筍味乃甘于肉縷縷翹  
細紋纖纖蓄淡綠籜嫩質匪堅尖銳手難觸倒囑類蟬蛻命

名宜雀角奈何稱虎爪猛欲甘庶畜我腹如唐園牛羊或窺  
足今日竟引虎饞口豈爲福東坡調與可千畝納胸腹金台  
豈渭川無竹令人俗阿狀至愛我一諾無敢宿厚楮裹重重  
付郵走直北我老開口笑晨餐屏苜蓿和液立柔脆啟鼎卽  
芬馥乍嘗固遂意一饋寧飽欲作詩責常供得隴笑望蜀

夏日齋居自製十二圖圖各定名係之以詩

山雨助溪漲新潮已平岸但見煙林霏初無葭葦亂溼雲如  
木棉一白沮山半水窗微涼集流潤上几案卓哉此中人世

事孰羈絆

水村煙雨

物候邇金素寒林正秋霽丹楓露奇緋照眼最明麗門前一  
泓水漁浪吹瑣細居人類羲皇秋室閔蘭蕙倘許吾移家此

中足避世

書屋晚楓

一水明斜陽時時浴鷗鷺道人不入城溪次日微步秋霖洗  
頽綠赭葉積谿路拄杖臨晚風憬然生妙悟彼是兩已忘寧  
復計頽暮

清溪閒眺

陶潛殊妄誕世豈有桃源宋台久已建蛆蟻方厖喧先生固  
有託煨桑防禍黿悠悠千餘年寫此緋桃村身世將無同默  
默尙何言

桃村閒適

胸際不平氣幻此最高峯僧房如鳥巢門宇萬綠封下界深  
沉沉那能聞青鐘我欲凌絕頂臨風支一筇張眼俯人境呼  
之曰蛩蛩

危峰聳翠

世事如流水道心如白雲雲水一相值悠悠混世紛道人自

閒適不慕雲中君溪橋入深綠弱柳搖斜曛陶潛固有言卽  
事真多欣

水上看雲

門前過小艇門內居高人高梧聚秋况涼風生簫晨插架萬  
卷書養此頽放身何必論齊物但期葆道真尺地自可樂閉  
戶或經旬

桐陰清課

水際百檀欒秋來尙青青獨坐渺世慮不緣擁道經白鷗時  
一來彼此咸忘形黃昏水氣肅微微涵數星蕭然秋滿懷撫  
懷殊清冷

水榭吟秋

輕舟江上過疎松偶奇石彌望盡空青供此江南客自爲看  
山來鞅掌豈行役世事方瑣瑣我意自脈脈何處謝公墩旦

晚當買宅

松溪泛棹

我昔遊石鼓一徑入深綠雲罅出孤亭一俯渺巒麓僧房出  
亭後盤大開白菊翠微有無間偶然過仙鹿至今詩夢中似

在雲中宿

山亭晚霽

蘇堤春曉樓十月見紅樹敗荷不留莖畫眉聲一路西湖經  
點染轉或失真素采此作畫料亦復得天趣挪舟綠樹行靜  
不驚鷗鷺

紅樹停舟

萬事盡灰冷豈復畏寒雪一白直到天吾亦表吾潔高哉袁  
安臥卓哉蘇武節丈夫畏汙染所仗心如鐵持贈官中人與  
彼澆中熱

危峯積雪

哀閩

去年閩海嘯濁浪高於屋草舍若漁舟伏地受怒瀑砰磅聲

畏廬詩存

卷下

十二

一賁猝死不及哭平窪無坡陀摧峻陷墳麓雷轟聞崩岩雲  
委折喬木吳航十數村同命等赤族迴潮激亂尸沿岸積血  
肉會城去海遠聞變但顰顙塘障旣頽委潮勢孰箝束閩州  
抱萬山篠若墜深谷建溪與山平江勢作蛇曲積潦一崩剝  
流漫掩平陸南港殺水患沿溪杙高竹支流藉以疏水力稍  
爲縮年久置不問孰敢告州督今年苦淫雨水患乃奇酷西  
聳多高原東走半洄洑山趺交踵趾疏洩那得速深堂入魚  
蟹平原駐艣舳米價與珠並災黎較病篤下游復苦兵割據  
類侯國恤鄰旣難望救災孰則告憶昔丁丑夏讀書會城北  
蕭寺饒松杉襪被就之宿譁言大水至凭高略寓目台江混  
一白閩山失衆綠兒啼滿城頭懸釜煮脫粟舟繩繫睥睨礮



背置饘粥翹和知浮棺膨白識死畜萬象冥若僵當空麗朝  
旭歷歷數前狀心膽尙轆轤今復得噩耗淒然淚相續斥我  
賁畫錢百金寧所蓄殫我望鄉心祈天作巫祝銜哀告大府  
禦患謀在夙大水毒匪深毒深在民牧但能去壅蔽尤爲斯  
民福

述變

五月

稱兵必有名今茲變不測喁喁一夕議戰雲蔽天黑把臂起  
兵間手足忽鬪閱債帥領元戎不謨乃輕出暑行四十里拔  
劍趣飢卒盛雨猛如軸鋒銳已前怵蹈覆出不意運劍去長  
戟肉薄交昏黃創者立數百雖揭曲端旗立碎連雲格遲明  
更進撲形勝爲敵扼後礮轟前軍同命自屠磔劉君立譁潰

收旅盡入壁餘師望陣悸竟日不得食罇飢咸生毛嘔噦口  
安適纖兒理糧運蟲性主蠹蝕軍心悉已漓隸也焉得力侵  
晨閉九門婦孺爭啜泣我老更憂患有命死胡卹薄醉且高  
臥如雷發鼻息

賊性

嶺南拓劇場建坪可百尺壁以蒲葵扇聚觀近十億富女盛  
羅綺鬢髮耀珠璣錦繡列如屏垂涎及凶賊繞壁四縱火勢  
如燔洲荻千尸同一燼區區焉有得少得賊亦甘覆餗舐其  
瀝不圖此賊性霑染及軍國博徒擁重兵兵氣已全墨軍需  
一百萬入手卽吞蝕餘資分從官潛逃如卷席但具二日糧  
三日已絕食糧車久不至復爲盛雨及瓜菜無一餘民圃地

全赤如聞饑卒歎性命固輕擲尤當具二命一餓一死敵大將尙縱博燈火光歷歷敵礮自天來驚悸始動色車馳半百里跽伏無敢息所得曾幾何立覆四萬卒較之嶺南賊爲罪等梟磔用兵不擇將枉自侈喑噤嶺南賊大笑爾我真同術

感事

掖垣近新鑿車馬去梗阻大道如鏡平道旁隱池籞翼館何嶢嶢勢要此別墅經年司度支權埒漢少府深堂閤花竹風軒語鸚鵡美人石華裙明珠賤如黍羅敷縱有夫傾心事府主清和四月節竟夕聚歌舞糞土視黃金酬此好眉嫵水衡恣所用億萬寧足數竭帑助黨人親戚苦貧窶主人惡陳乞噍讓雜笑侮烽火忽絳天雄師反湘楚號曰清君側武怒過

虢虎幕府集衆議匆匆主用武長安數萬師敗鷄少完羽外  
檄數罪狀邏騎四竄取孫壽方別居新第敞門宇擁髻意蕭  
閒對人仍笑齟故宅已收沒斜陽半庭樹憬然悟物理禍敗  
或自取

庚申十月二十日紆九謁 崇陵居文忠墓廬卽以斗  
酒隻雞祭其墓感賦一詩

入門冠履見遺真門外孤墳馬鬣新一暝早知關國運羣兒  
莫悞祭詩人不留餘憾存青史但有精魂戀 紫宸爲檢敞

牛殘帙看

公道齊十餘籠仍實  
墓廬署敞牛齋藏書無窮酸淚感前塵

廿一日五鼓至 陵下祇謁

曉風習習襲衣冠枯柳梢頭月半殘義在豈能云老病

病時  
嗽紆

通夕不寐山空幸未及隆寒傷心此日兼懷舊後今不必從文忠之

泥首當年記奉安數數頻來兩措六廉儘他陵戶恣情

看

陵下喜晤張君聘太守

力敦古誼尙何人難得君爲侍從臣林公由改官無補興亡同有

恨得全節概在能貧難餘愈稔林泉味公于未革命前已場

上誰抽傀儡身等近古稀奚所望公年六相期合傳作遺民

辛酉三月十日獨遊公園

古壇已屏勾龍祀喬木參天集亂鴉物候忽驚三月暮棠梨

滿孕一身花新增亭館都如畫偶涉林巒輒憶家此亦浮生

閒半日綠陰獨坐試新茶

題何仲起廡訪僧服圖

髣髴朱明方密之蒼茫家國不勝悲得完名節僧何靳一着  
袈裟事可知爲祝故君仍禮佛非關同調敢題詩騷經葉葉  
隨流日當是琅琅梵唱時

題湖心泛月圖寄何梅生

先生修志辛勤久暇日當爲湖上游水際亭臺多好竹畫中  
城郭似杭州詩人例占三分月吟局天開十頃秋老我思歸  
偏未得昆明屢過不勝秋

適齋聽琴歌爲李生壯飛作

李生立身何坦坦積重自蹶笑蝨蚋吟詩餘暇亦鼓琴豈有  
成虧入慧眼長松哦風竹光綠垂楊細似游絲綰解囊出琴

錯犀象鍤會衰厠鐫題滿觸撻如志態蕭閒爲余一奏平沙  
雁微音迅逝猝難辨但覺閒遼復痺短吾年七十指欲僵卽  
欲學彈亦苦晚歷歲苦兵頗懷戚聽琴愈覺生憎慘長安道  
上馬如龍妓寮長夜鳴簫管等爲將種獨高寒生擬李膺真  
峻簡借琴鳴志古爲徒定非嬾似嵇中散

黃夫人諭賊行

吉林賊騎如封狼蠶氣所及無完鄉依蘭古稱伊蘭茂鱗鱗  
萬戶微豐穰鬻賊去來逐水草剽掠屯鎮資餽糧依蘭古城  
當孔道覬覦膏飫賊吻張黃埃蔽天礮聲起萬騎蹴踏乘驕  
陽阮公行部賊益肆哮噬殘齷誰能當刀鋒豈但碎寺鼓角  
聲早已騰城隍積薪萬疊噪焚署黃衫小吏齊蒼黃夫人鎖

定慰奴媼端簪整服臨堂皇慈祥愷惻諭魁蠹余知爾輩原  
馴良奇窮偪促逞悖計宿豪煽誘萌非常罄余所有悉資汝  
蘭民無罪休摧傷乾坤正氣出巾幗雄渠喪胆爭投槍夫人  
天恩我知感戢尾鳥敢施權强父老聞聲出牛酒狼吞狗啖  
傾杯觴闔城交慶脫虎吻羣賊滿載爲鷹颺鎮州諭寇昌黎  
伯免胄伏虜汾陽王夫人視此寧愧色擊鼓豈數金山梁詩  
成擲筆起命酒墨光凌紙生奇香

贈李拔可

觀槿才逾姚合清偶傳片紙藝林驚風懷懺盡歸逋峭格律  
嚴中寓性情海上十年看世變中書一出負時名千秋不墜  
辛夷業天予聰明俾早成



自題小畫

東坡觀畫如相馬意氣所到稱天工雖然所得只竹石施之  
山水焉能同吳生落筆如風雨嘉陵勝概成匆匆大李將軍  
獨不爾渲染樓閣填青紅工拙寧復論遲速但抒意氣言非  
公元代四家各一幟山樵筆墨時所宗思翁宗派溯二米瓣  
香私禮高克恭吾觀長江寫萬里房山遺法加托烘一涉夔  
巫技亦窘細皴變寫青芙蓉此時亦用山樵法正宗終始當  
推崇山樵真本凡三見墨光蔚鬱成長松巨幃不肯寫雲物  
絕壁突兀撐青空漁山石谷變家法墨戲初未兼癡翁我生  
苦晚順康遠悠悠一派師婁東此幀用墨頗簡易江色淡綠  
如吳淞臨流結屋便漁釣飽看山色甘長終楚鄂近乃苦兵

焚馬殷行密方爭雄買山莫得且作畫詩情姑且藏圖中

四月十七日余南遊雁宕車過滄洲饑民七百餘夾車

而號余出十金屬巡士俵散巡士言人得二枚耳

酸風捲出哭聲哀菜色人人雜色灰赤地再無登麥望

順奉一帶

半成稿壤

白頭頗悔看山來探囊恨少金千鈹勝火何資水一杯

河朔雄藩方縱博那能引作切身災

### 夜中望岱

不辨天門路曉晴如列屏量高逼月近作勢壓城青萬仞僅

一瞥五年茲再經莫教落人手松石被胡腥

### 徐州

車窗曉望盡平疇薄暖輕寒近麥秋無限庚申懷舊感青山

歷歷過徐州

淮上聞牧笛

三兩青牛起草間  
牧童吹笛意蕭閒  
老來那有歸耕事  
只作尋常畫本看

金陵城外懷陳伯嚴

廿載傾心陳散原  
石城永日閉柴門  
詩源遠溯孟貞曜  
文境醇如虞道園  
不仕自然全晚節  
得名何必過高軒  
海藏樓下饒花竹  
果否能來共一樽

至滬上居璿女寓樓作此示之

花時送汝古城陰  
我亦看山海上臨  
一路柴車泥滑滑  
三楹小舍畫幃幃  
艱難畢竟隨郎樂  
眠食宜存慰母心  
雁宕歸來

宜作畫爲兒瀑布寫千尋

訪蘇堪於海藏樓談詩經時而別

垂老方知氣類難信君道力未曾殫不輕沾激排時彥自歛襟靈接古歡到耳已拚無好語回頭笑忍述長安還能箴我詩中弊肯作徐郎鸚鵡看

陳挺生朱萼芳招遊半淞園

園林佳絕惜花殘春後依然作淺寒四合綠陰過小榭一灣流水抱朱闌却生詩客無窮思難得吳孃盡日閒笑過蘆漪調二子如何忘却釣魚竿

重到杭州

廿載戀杭州翩然續雅遊河山聊信次筋力未衰僂感觸原

多事方洋轉自由儘他風物換且覓酒家樓

過行宮

湖西寂寞古行宮柳外宮牆一帶紅今日涼棚高百尺興亡  
不涉賣茶翁

拜林杭州墓

墓門風物都如舊獨弔斜陽起嘆嗟公道還知重循吏詩人  
倘爲補梅花廿年踪跡尋前夢一路芳菲感鬢華最是薛廬  
題句好湖山終古屬林家

韜光庵題壁

雲陰解駁漏陽光曲徑盤紆選佛場磴穩仍然汗如濯鐘來  
幾與世相忘敢從靈境嫌僧俗却對修篁味筍香萬綠深深

窗十面輕衫着上數分涼

三潭印月新先哲祠

撓蟻誰如曾靜昏臨安遺老久沈冤誰知香火湖山社竟有  
人祠呂晚村

竹素園

竹素園中竹抱樓花神十二美無儔居然烈士來爭席那復  
神絃祀故侯

感舊一首示夏姪

當時從我僅成童三十年來類轉蓬頭角森然今抱子夢魂  
繚處念而翁力求厲約當無禍廣積圖書似未窮尙復叟叟  
問家事笑余垂老尙冬烘

湖上晤胡瘦篁侍御易道士裝矣

抗疏歸來過十霜相逢湖上服華陽而今薄海無乾土曾否  
廬山有草堂時輩幾人聞節趣故交唯我共飄藏年年咽盡  
辛酸淚未敢從君述 景皇

樂清舟中望大溪寓樓久不至

舟中暮色迎人起屢問長年到未曾田水赴溪微作瀑露螢  
過竹遠疑燈岸泥無地尋篙眼島寺回頭記塔層塔在海門賴有  
稱身藜杖在山亭準備曉來登

石門

雙巖束水水深清狹處才通小艇行流過前溪作雷吼源頭  
澹澗轉無聲

由石門入山道中口占示夢旦稚星拔可

似聞草木發奇芳沿路峯皆斧劈紋瞬息陰晴終作雨高低  
松栝偶來雲響泉墜澗前溪應危徑穿山積綠分竹橋飄然  
空翠裏林巒轉處待諸君

過鐵城障

此障誰加漆居然號鐵城綠封疑路斷天豁助灘明石狀時  
時變山容漸漸晴廿年靳幽賞今略慰生平

合子橋

濕翠空濛裏無心竟過橋石華經雨潤松勢受風驕地迴成  
孤賞泉酣集衆曉林巒誰愛護來往不逢樵

沿路看山至靈峰下



十年懷雁山飢餒醉腥膩翠微且三歷駭愿等孺穉崇效趣

花事沅叔適南至

傅君培湘

爲述大龍湫寒綠滲夢寐買舟訪高

夢旦

李可拔

方洋逐吾嗜四月苦霖瀝山色尙蒼媚石門約怒湫

奔灘始鼎沸潛壑吐飢熬蹲石距伏風石梁亙天半闌楯敞

城雉峯霞想異采瑤煙結新翠暗水響殿陰黑不辨澹澍取

質天台頂

天台亦有石梁

修狹或難類迤迤謝公嶺陲靡趣深秘窮

鬱昂萬峯高土抱殊致蒼莖交竹柏酸質變幽冀壁面傳全

綠雲根藐無地石髯作禮拱

老僧巖高至七八丈宛然如人立

麤具袈裟意

是豈諾詎那

開山祖

骨化尙標幟籍空伏虎洞豁閭合殢翳腥

豈明瘴花火不笑木魅橋門印圓月怒筍若鳥鷖雙峯劈寒

綠一徑懸荒寺開闔各有勢主客成堅對齋厨出陳釀趣走

咸道帔

有伏虎洞無僧羽流十數

按圖問靈巖熊魚孰決棄與夫久偃臥

### 山轎早署置

五月三日至小龍湫宿天柱峯下蔣氏兄弟屏霞廬

羣峯如堵牆盡處出篁竹赫然見天柱撐空聳奇綠展旗

名峯

相拱揖軒秀合真樸余足且怡蹶夾掖資健僕麓然入荒翠

升俯布巒麓屏霞

名峯

疑建標歷歷上畫幅抱拱致殊佳綰接

勢非複顯勝努巖張內斂陰崗伏雲際小龍湫發聲震壑谷

澤弗窮所趨梗險患顛仆樓窗忽聞雨細泉日滲漉下匯成

深池上仰巖勢蹙流雲如輕紗瞬瞥翳羣木蕭然斷樵叱壯

哉此林屋心儀剪刀峯冥眴亦森肅明日能仁寺襍被巖下

### 宿

自靈巖偕諸子至大龍湫

靈巖古神鄉信次日嘔噓開軒峯巒集紋竅綠班駁槩槩苦  
山雨一暝接晦朔十里距龍湫荒尋頗惴縮坐恐山靈笑責  
譙吾豈覺侵晨命籃輿犯雨入叢薄聞灘湊琴筑奇石礪齷  
齷抱竹團焦隱偃蹇山田錯眩深睫爲交踏險氣且索荒湯  
若無覩朋息輿夫脚斗然聞水聲忻悵且交作陰巖列積鐵  
漚峭動魂魄半天發龍吼初不挺頭角一吐空際白立洗人  
間濁發坎鱗甲重墜澗紗縠拓隨風飄珠塵得日耀瓔珞吞  
漱孰伸仰飛濺難捉摸瓏璫到此極何必羨吳嶽雲與草木  
合軋芴兼蒙絡綠淨爽心目青濕透履屨聊向石亭憩敢擬  
神湫濯瓊景此一嘗夢境亦卓犖吾生苦紛泊得此聊自藥

屏霞廬口占示蔣季哲

七十逢君豈偶然此生頗信佛因緣到門一笑無他語萬緣  
環樓坐聽泉

歸舟至澤國鎖值雨

墨雲盛處斂殘陽水榭停舟傍飯莊獨樹臨溪迎雨勢亂蟲  
入店聚燈光忙中未覺衣襦濕坐定纔聞笋蕨香眼福本將  
辛苦換任他木末擺琳琅

澤國鎖舟中雨盛不眠

遠火明還滅船頭疑見星四更篷滴緊一路水風腥夢覺今  
宵短山歸明日青江鄉生長地此景似纔經

雨終夜不止溪水暴漲橋門益低舟不能過舟人下其

篷篷去身不盈寸苦極矣戲成二十字

積雨助溪漲橋門狗竇如庾冰吾所恥今亦伏簾除

舟中讀江弢叔集卽題其上

行藏略似杜陵翁一片哀音發集中最足動人悲骨肉不堪回首述咸同名流無計才從宦亂世何方足禦窮藩鎮洪楊無異轍老來恐亦見兵戎

五月六日陪螺江太保及諸公游釣魚臺賜莊

平泉草木路彎環白髮元僚共往還紅藕香中憑水檻綠蕪盡處出西山各含詩思都無語不料勞生亦偶閒半壁東南腥穢徧吾曹却在畫圖間

越四日太保再招集釣魚臺時座上有翠雲居士者曰

本老畫師也

地邇蓬壺絕點埃。賜莊每待勝流開。端宜獨樂爲之記。僅有嚴光匹此臺。南度幸陪元老席。一帆却送畫師來。禁中假得

琳琅冊。主客傳觀近百回。

是日公盛陳名畫中有假自內府者

余居京廿年其貧不能歸者恆就余假資始但鄉人今則楚鄂川滇靡所不有比月以來至者益夥竭我棉

薄幾蹶而不起作此自嘲

等是天涯羈旅身。忍將陳乞蠹斯人。遷流此後知何極。懷刺頻來似有因。倘爲輕財疑任俠。却緣多難益憐貧。迴頭還咀窮滋味。六十年前甌屢塵。

酬臺灣王隱君友竹見贈長句

長安寄食一衰翁敢擬臣家處士公  
片紙忽然來海外情波無際出詩中  
悲君所遇如韓偓知我何修得孔融  
等是遺黎尚奚語祇餘酸淚洒金銅

郭春榆侍郎薦余經濟特科余辭不赴  
及余與某校長爭名教關係侍郎復以  
詩來有原道之目秋日無事檢得來詩  
感賦一首

侍郎愛士踵康乾薦牘居然達九天  
措大豈能稱幹濟餘年只合老丹鉛  
累加開獎良非分力挽綱常詎有權  
重我老來知己感一通疏草一吟箋

題張薑齋知稼軒集後

行行輦下避花驄抗疏淋漓列上公  
遷客一舟下湘水政聲

萬口出遼東園居始信秋光好詩筆原歸老境工一自後堂  
爲燕入笙歌忙煞紫髯翁

送李星治兄之安慶

六年舊治蒞新安定有人民夾道看垂老仍然具風骨一清  
直欲掏心肝俗梟易動飛文詆弊積當知着手難得失原無  
輕重係勸君沿路且加餐

張園雙松圖爲張仲昭作並題四絕

碧蘚週身忍歲寒當年學士

尊甫黃  
齋學士

此盤桓因君憶及宸

題樹風雨淒涼滿戒壇

花開花落石頭城誰動傷今弔古情獨有張園秋氣足都無  
人處作濤聲



高絕梁髯種樹廬先生曾共玉堂居

學士與梁文忠同官翰林

九原相見

無他語陵樹關心五尺餘

風前鱗鬣舞蒼蚪相國遺詩壁上留

張文襄詩對舞髯龍入畫圖

到底南

朝遺物貴却灰休問絳雲樓

來書言藏書數十萬卷辛亥國變悉燼無餘

樂庵寫書圖爲蔣孟蘋作

樂庵長日窮鉛丹何爲專集抄鶴山意者吳曦方叛蜀君亦有感思時艱侂冑傳首彌遠繼朝局變幻成瀾翻卬州臨死尙憂蜀樂庵心爲卬州寒忽從淳熙得真本如護墜典紛傳觀金人一炬臨安燼寧從勝楮分私官神鬼呵護落君手首篇鴻箸披論韓周易要義最通貫鏡深繹隱心神殫宛陵一序未蠹蝕渠陽舊署當從刪高狝重刻病草率寧同此本名

精刊李生

可拔

傳語索吾畫畫中爲寫山灣環羣松結翠蔭精

舍先生運筆神蕭閒方今危局類孱宋襄樊戰血沿江殷鶴

山有靈應太息桂旗髣髴來衣冠

宋史載了翁病革門人問疾者猶衣冠酹答

題密韻樓圖寄蔣孟蘋

密韻樓頭采撫豐詞家獨數弁陽翁知音似勝戈吳縣皮得  
遺篇鄴架中

公謹生平重紫霞怨琴淒調感年華今從集外搜殘刻何不  
傳抄付笛家

費盡黃金翡翠裘好詞僅得絳雲樓浩然齋稿成全璧此亦  
詞人數世修

十景當年畫聖湖木蘭減字借題圖明年結伴遊三竺定與

先生畫槩俱

十月廿日祇謁 崇陵至梁格莊齋廬中與清臣君聘  
夜話至三鼓用孟郊獨止舍待替人韻

山莊無主人藉地致三客南朔距萬里道義契一脈仰聖齋  
同虔感舊意彌索蓬蒿接庭廡升俯石徑窄缺月窺破窗勁  
風撼空壁懔然疑荒墟悟是文忠宅文忠去我遠我髮亦垂  
白太息述 先皇未計嚴更迫五鼓辨色起羣岫光歷歷

謁 陵禮畢紀哀一首

衣冠九頓玉階前敢惜微臣衰朽年紫極重開當有日白頭  
十度此瞻 天行踪只合尋吾契心迹何須剖世賢羨煞淮  
王雞犬福却從銅輦早登仙

文忠墓下同清臣作

頻來我已髮成絲萬古應難塞此悲彈指將成三載別

時文忠之

喪也

同心諒有九原知空留遺構依皇寢頗訝貞臣闕墓

碑略一思量悲更甚教人不敢憶鬚眉

贈張君聘

陵下相逢第二回知君曾自鳳池來齋廬午夜衣冠肅兒女

新喪未敢哀

君聘舉家病疫喪其兒女及親屬六人

滿拚傲骨歷艱難不向新朝乞一官我自與君同冷煖贈袍

等爲范睢寒

君聘久典其喪余贈二十金贖之

十月廿三日春覺齋與翥鴻叔謙姪及張生性甫陸生

子清夜話慨然有作

小奚蹠躓撥鱸灰秋老冬溫菊尙開容膝竟成談  
燕地傷心我正謁 陵回得霑升斗良非易試想東南儘可哀屈指辛  
壬剛十載景光一一變金臺

謝齊照巖致鮑魚

故人雅意重臨存迢遞雙魚至畫軒敢以武昌辭不食肥如  
梁水尙何言無煩謝允來行術鄭重王弘此置門漫續楊花  
春岸句天然風味過河豚

辛酉九月余七十賤辰及門四出徵文又醵資製銀杯  
爲壽余不能止也趙次珊制軍忽貽書張生承蔭請  
署弟子籍衆大驚謝卻之昨日晤制軍意頗快快感  
賦一章以謝知己

尙書求署吾門籍駭汗羣生措大疑有意降尊憐我老不才  
何福受公知照隣久已宗前輩尙書長八歲文舉安能屈大兒異  
日藝林述佳話滑稽傳外一傳奇

車中望頤和園有感

行人不忍過連昌傑閣依然聳佛香委命園林拚國帑甘心  
骨肉聽權璫鬼兵動後無完局藩鎮基成始下場迴望瀛臺  
朱闕裏紅橋斷處水風涼

羅雲章以墨筆畫蘭見惠卽題其上

生綃一幅寫蘭叢老石幽花墨氣烘我醉先生高格調鄉人  
迴想所南翁

龍巖奇種出吾閩下筆傳真更有神聞道璇閨精六法子昂

合配管夫人

再謝齊照巖致松花江白魚

先生終始憐饒，  
屈指于今兩拜嘉鄉。  
味殷勤致遼瀋報章，  
珍重賦鰭鯨北來，  
不自留公宴南產。  
何從取釣家，  
頗笑東坡知味鮮。  
松江鱸豈及松花。

題松花春望圖寄孫贊堯將軍

將軍獨馬自臨邊，  
春盡松花水拍天。  
旌節一來荒服靖，  
家傳兵法十三篇。

談玉庵隨節入都幕，  
府倥傯不及聚談。  
且別賦此代柬，  
並訂重來之約。

德星已分聚，  
長安不道匆匆。  
把臂難五里行轅，  
隔杯酒四更。

涼月想征鞍緣慳一似無情別健在還留不盡歡冬盡榆關  
風雪緊望君珍重日加餐

歲暮客居得金陵盧君克昌書言夢至大林中有黃冠  
南面彈琴遙指北方謂有救窮之人意屬余也讀之  
惘然郵致十金並寄二詩慰其淒寂

度君非想亦非因耳我虛名過失真賣盡長安一窮叟莫教  
誤信夢中人

年來滄海已成田紗帽何能值一錢無力贈袍寧贈炭石頭  
城外雪漫天

懷江伯訓

周方高李盡凋殘垂老江郎碩果看社事迴頭仍有味故人



當日頗能官熱腸一片應消歇世變千重只坐觀剩得梧州  
賢弟在畫樓把酒擋春寒

贈郭筱麓

王謝門才朱雀橋郎君飛思入雲霄文章有價聯三俊家世  
能詩閱四朝大度不矜行馬貴少年早識阿龍超荔香社稿  
琳瑯極老我微吟媿續貂

讀北史

壬戌四月

高歡覆爾朱百戰乃無敵自洛克臨潼幾奪魏人魄力擴邨  
山騎未頓金鏞戟再接取虎牢連雲侈戰格元戎握政柄驕  
穩示區畫南台與北省除授自推擇卞躁孰敢忤力足變黑  
白堅對遇黑獺模略亦宏闊默哉韋孝寬謀過孫討逆破塹

至十道蹂屍且山積暴骨七萬具悲風動玉壁廻思武定春  
掩卷一太息

六月十七日晨起溲便均悶爲狀甚殆尋取德醫狄博  
爾以鋼筯導之溺出盈盃疾間遂入醫院戲成一首  
暑溲交侵爵不消匆匆急病發崇朝滑和我豈心無朕怛化  
人幾舌盡橋檻塞偶然成內巽冲融未必作中燒憑他神禹  
疏河力澱濁行須滌腑焦

樓居曉起

疎簾隱約弄平明接葉重重小鳥鳴曉色上窗添綠意新涼  
入枕識秋聲失眠得夢翻成趣小愈逢人劇有情一卷南華  
千徧讀條然自覺此身輕

二十二日晨起甚適率成一首

肯唱玲瓏奈老何行年七十亦云多世方涖洞誰寧謐人近  
聰明易折磨苦况略從來日減國憂暫付睡中過果知病是  
偷閒地何惜些時此養疴

偶成

陰雨幾涉旬狀如遊二靈二靈山青青是間晝冥冥侍者窺  
吾意髣髴嬰天刑吾方念子輿句贅成椎形蹉跎自鑑井妙  
悟開胸襟身任自然變沴氣由之侵死既爲吾尻欣戚胡相  
尋矧有御風心空際秋泠泠微靑安足云據梧仍高吟

老醫克利以聽機按余五臟後問余年答以七十有一  
醫哂曰早耳子年殊未艾也爲之憮然口占二十八

字

曾聞女偶似嬰兒隳體遺形那自知望切居然稱壽相儻能  
捱到太平時

病中用東坡示姪安節韻贈從子叔謙

病容臨鏡訝崢嶸幸汝同來聽雨聲屢解吾愁原過計不經  
人覺始真情未瀕危候仍眠食豈屑殘年較死生蘇集兩函  
分半讀萬行施註一燈檠

趙生念持與叔謙姪同侍余疾幾二十日今垂愈矣賦  
此贈之

入門不作子來看相對無言掬肺肝未憚長途馳晝夜何曾  
片語涉溫寒支離病態收功易

時余已  
健全

患難門生得汝難一

畫區區吾豈靳

余言病起必贈以山水小幅

好教精紙備琅玕

二十日以來問疾者衆攷庵匏庵二公尤數至意極勤  
懇初六夕余乃大洩疾霍然如失家人將迎余歸口

占一首

親故臨存情話長招邀林下立斜陽雖憐晨暝施攻熨較勝  
西南坐亂亡一夕蟻封決隄障四更虎子擺淋浪排淮淪濟  
功垂就明日巾車反草堂

七月七日自醫院歸春覺齋

拂瓦連簷見綠筠牆腰細草尙敷茵憑窗恍易新遷宅對硯  
如親久闊人本合養疴中壽日那能鬪健少年身

余素不服老至此爽

然頗餘一事堪怡悅繞膝雛孫問訊頻

病就瘳朱生悟園尙日來省余賦此贈之

嶽嶽朱生肝膽真頗疑沈瀝屬前因當年早蓄傳衣願逐日  
來親隱几身何取鄙言成語錄大難亂世作文人遙知蕭寺  
秋風裏銓冷衾單自禦貧

寄懷何梅生

何郎貞整復聰明林軸縱橫藐百城專集西湖成絕作詞家  
南產孰齊名不妨濁世高標格愈信風人富性情累約山遊  
偏未就空勞函札訂將迎

詠史

晚明無將才寧南號獯悍牀下拜侯恂極力加推挽功捷曳  
長縑志概日亢滿皖南與軍要首叛熊文燦愚哉楊嗣昌褒

拔易嘲訕金印大如斗  
猖然長驕慢桴旛貌李郭  
俛僇縱闖獻就糧陽示威  
與政內府怨吳牲萬元吉  
爭引僅得半尾大  
既不掉蠶氣積襄漢馬  
阮復蔽朝吳鄂成冰炭  
私人進黃澍廷對頗詆  
譎笏及馬瑤艸梗野恣  
擊斷責禮無朝廷科罪  
寧梟輶翳身蔽牙蠹何  
人不煉煨晚年蘄州甲  
識者久定案堂堂黃虎  
山阨彼銅陵畔再呼袁  
臨侯城火已照岸

郭春榆宮保寓詩見存感激知交賦此奉和

函中逐句發奇香再拜  
陳詩報侍郎亂世得年  
寧是福名醫多事爲籌  
方空留喘息支幾社爭  
忍污驚看晚唐一事關  
心恒夜起開軒天半望  
櫬槍

姻長周熙民道尹尹綏遠以策干都統力行裁兵議成

歲省軍費三十六萬都門相見喜而有贈

力勤農事銷金甲名幾臨邊相國齊此策果然行魏博重兵  
何用宿淮西名流見本高師武循吏功真及旄倪怪道鬢絲  
些子白原來辛苦住官齋

讀史偶成

苻堅豈畏謝仁祖金亮寧逃虞允文淝水一呼朱序力遼陽  
左顧世宗軍可知倖勝非無敵遮莫佳兵適自焚千古英雄  
半粧點史家紀載枉紛紜

八月十三日爲余友高梧州生日日余合其高足每年  
祭之春覺齋計今十二度矣壬戌八月病愈招同黃  
嘿園陳杰士王希農李孟魯高耕愚及林蔚生魯生



敦民兄弟爲禮愴然感賦二詩

幽明隔絕路悠悠我亦頽唐漸白頭十載蕭齋空夜祭萬重  
客感入中秋長眠縱決人間世愛國寧寬地下憂最足傷心  
逢粵客苦將惠政述梧州  
本來草宿不宜悲魂夢偏能繫我思痛恨賊臣應作厲寶藏  
遺藁竟無兒焚香盡屬傳經侶把酒迴思夜話時慟絕失聲  
還自咽摧心不願九原知

後哀閩

我生值咸同天下正鼎沸溫陵靖通孽楚卒方朝氣戍閩五  
十年幾豎牙兵幟國屯構辛亥彭寵乃專制殺人滿都市鬪  
變藝威器客將再專師燕楚互易置挑邊激粵怒泉漳久割

棄乞爲城下盟兵退復署吏分符任別將蹇縱積猜貳奪符  
踵劉季爲術頗詭秘遂生狐兔感仇復惜徒類謹奮擁權首  
健兒策幽冀豬靴竄荊棘虎落發鐃吹據阨苦不早奪便已  
狎至三橋行旅絕雙塔夕烽熾頻年戀鄉井將老身及累迴  
念小西湖萬柳低湖翠波色水心亭松氣湖邊寺美人裝畫  
艇曼睩生流媚四更花滿頭風暖遊人醉陡然發兇疹脅汗  
出不意天道本惡盈侈縱宿所忌吾年十五六師法多名輩  
布素崇儒先酒肉輕市僧內外戒必嚴蒙養德務粹澆風一  
回染禮防立墮地兵禍已足悲况復人心異主兵果王潮或  
爲吾閩利渾濬實多猜鍾鄧詎一致影和終必爭誘受本非  
計行看飛血肉禍不輪滇桂斛米逾十金那復論糗糒西風

動窮巷童孺駭烽燧哀哀盼松楸吾命死生係杜老枉悲秋  
冬郎空雪涕臣家本衰宗留閩寡昆季烏能置喪亂初不念  
親懿經旬渺消息或云行刼質敲骨復吮髓此禍誰所遺腸  
斷問真宰欲泣轉無淚

重九書感

匆匆時序縱奔忙佳節能無理一觴祖臘久更新曆日秋人  
還認舊重陽已拚輦轂無餘戀可奈萑苻滿故鄉回首當年  
萸菊地流亡相繼釣臺荒

讀史雜咏

守屏踧躅漫相尊浮道終須見累痕李密果然傾翟讓縱遲  
加刃已忘恩

擁護朝廷直美談懷謏迷國孰能探本無甘露中涓變從諫  
何勞衛鄒單

兩雄並峙動生疑臥榻非君鼾睡時笑煞魏公聽王庶當年  
曾賴曲端旗

文淵閣事柄焦芳長日咆哮政事堂虛與委蛇寧有濟子規  
不勸李東陽

晚明皇祚利庸才天子門生實禍胎定策兵權歸鳳撫路王  
無語福王來

當時大禍果無靈事業平西照汗青爭說美官西選好滇南  
奔湊小朝廷

散原校詩圖寄祝陳伯嚴同年七十壽

天與冰雪懷乃出凌寒筆嗇神復挫鏡如奏啞腐策意亢聲  
愈寥求泯致則逸清風激淮甸上與郊島匹石城美松篁綠  
暗窗戶密萬象自扃鐫據梧日抱膝乾坤苦分裂斯人一篷  
簞新詩積逾寸蕭晨檢殘帙澹然忘老至孰者躡高蹠吸吐  
日練臧期願我所必

余去年七十作自壽詩二十首畧述生平近於褻簾自  
炫屏去不錄今年大病新愈又屈賤辰率成一首用  
自解嘲

模糊度過少年場長物惟餘書滿床一病幾乎收鬼錄千金  
偶爾得良方天教留眼看因果我自無心入老莊解道黃昏  
情愈適松篁高處徧斜陽

寄劉資頴將軍

宗澤呼過河垂死念國仇公病未至死乃爲鄉里憂憶昔甲午役搏戰大東溝萬礮注旗艦飛彈穿兜鍪大帥伏籛條縮頸如蝸牛矯命變陣勢號令傳劉侯舉軍得生還嚴敵驚權謀定策收礮臺箝揣一何周陸將自棄軍敵燄遂虔劉所謀適不用國衆乃無鳩比年預樞近宦海相沈浮彫案亦云極牙孽且未休移家逃析津長日睡扶頭巨變發鄉里禍稔惡復稠節度棄桴旂延建兵雲愁鍾鄧旣爭功重兵臨上游朝議起將軍兵食令兼籌公曰必單騎恩信逾貔貅昂藏上馬行言者爭推求猛概猝爲斂涕泗看吳鉤肯死婦人手喪元亦首邱腦病動荒踣喘息成衰僂將軍誠有心肝膽誰能儔

願收英雄淚勿爲言者流天果祚將軍此病終當瘳長風駕  
高浪一舉收閩州

辨岳篇

高宗稱岳侯小心復忠謹銳意報國仇先使賊氛泯着手覆  
庶雄百騎平陶俊再戰敗黃善橫矛貫敵陣苦嶺降戚方舉  
軍不血刃張用稱阿父兵力江淮震賀州誘曹成縛縲詭糧  
盡整兵趣江袁指顧定列郡水戰搏楊么易若撈蛤蜊一朝  
謝兵柄步歸匡廬頂挾兵不自重豈類唐藩鎮近人慕武穆  
縱賊乃勿問正陽再喋血悉銳西平進舞陽接郾城村落悉  
煨燼廻軍撲上蔡所過加蹂躪豫皖且瓦裂初不激忠憤朝  
聞鼓角聲健兒理鞦韆暮聞鼓角聲壯士整甲盾哀號聲四

徵將軍但笑哂勒兵偵內政屬目在樞近却持靡不至簡書  
如束筍其名曰蔽朝寧曰據忠悃翼姦庇私嚙狼乃逾注訓  
岳侯豈如是妄意漫稱引直云別聖凡豈但判靈蠢方以徐  
鵬舉識者或吾信

沈德符野獲篇有徐鵬舉者稱武穆後身一無知識人謂之徐草包

### 富貴

富貴而高壽斷無家庭樂子孫競簪組喜懼已隔膜羣輩卽  
玉豔雛鶯伴老鶴問年豈靈匹斗悟或索漠溫清類衙參黽  
勉頌矍鑠貌襲晉公裴名次汾陽郭真意日以漓苛禮特束  
縛兀然類土偶差未泯知覺三家村先生長年授大學得錢  
市棗栗諸孫繞膝噓門前風竹涼大婦卷葦箔中男挑糞歸  
濯足理錢鋪高言詆時宰里語收謠詠入秋菰已香啟鼎芋



新斲啜醑亦復醉  
浙米那用鑿讀書  
日看山漫未計晦  
朔兩家恣所擇後  
者吾其託

畏廬詩存卷下終